

Sarajevo, 14. novembar/studen 2006.

## **178. SJEDNICA VLADE FEDERACIJE BIH:**

### **ODABRAN NAJBOLJI PONUĐAČ**

Federalna vlada razmatrala je i usvojila Izvješće o radu Povjerenstva za ocjenjivanje ponuda za izbor Stručne institucije za obavljanje dijela poslova iz nadležnosti Federalnog ministarstva prometa i komunikacija koji su predmet Zakona o cestovnom prijevozu FBiH.

Na javni natječaj, raspisan 22.08.2006. godine, stiglo je šest ponuda, od kojih je Povjerenstvo vrjednovalo dvije – Instituta za privredni inženjering d.o.o. Zenica i Mervika d.o.o. Sarajevo – koje ispunjavaju sve tražene uvjete. Nakon razmatranja ove dvije ponude, Vladi FBiH je predloženo, što je ona i prihvatila, da bude izabran Institut za privredni inženjering d.o.o. Zenica.

Kako se radi o javnim ovlastima koje se prvi put prenose i obavljaju na teritoriju FBiH, a odnose se na rad stanica tehničkog pregleda vozila, ocijenjeno je kako Institut za privredni inženjering d.o.o. Zenica može predstavljati jezgro oko kojeg će biti utemeljena stručna institucija iz ove oblasti.